

Siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Siunnersuut una Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisissaannut siunnersuummi § 18, imm. 3, nr. 4-mut attuumassuteqartinneqassaaq. Aalajangersakkami tassani allassimavoq soraarnerussutisiaqarnissamut inuunermulluunniit sillimmasiineramik aaqqissuussinernik, soraarnerussutisiaqarnissamut aningaasaateqarfimmit imaluunniit inuunermut soraarnerussutisiaqarnissamulluunniit sillimmasiisarfimmit Kalaallit Nunaanni angerlarsimaffeqartumit Danmarkimut, Savalimmiunut nunanulluunniit allanut nuussinermi akile-raarutitigut akitsuutitigullu isertinneqartut immikkut ittumik isertitatut, siunissaq ungasinnerusoq isigalugu aningaasaliissutissanut aningaasaateqarfimmut nuutassatut isigineqassasut.

Siunissaq ungasinnerusoq isigalugu aningaasaliissutissanut aningaasaateqarfiup ilaatigut siunertaraa immikkut ittumik isertinneqartut inuiaqatigiit aningaasarsiornikkut ineriartornerannut naleqquttumik atorneqarnissaannik qulakkeerinnissaq, ilaatigullu akit qaffagiartupiloorsinnaanerannik pakkersimaarinninnissaq. Aningaasaateqarfiuttaaq taamaattup qulakkiissavaa pisortat ingerlatsinermut aningaasartuutaasa isertitaagallartut kingunerisaannik ataavartumik amerlinissaat. Immikkut ittumik isertitat taamaalillutik aningaasaliinernut atorneqassapput, nunalu ataatsimut isigalugu ineriartorneq attaneqarsinnaaqullugu nuna tamakkerlugu pingaarnersiunermut tamarmiusumut ilanngunneqassallutik.

Aningaasaateqarfiup aningaasaatai ingerlataqarfinnut pilersaarutit naapertorlugit Namminersorlutik Oqartussani siunertanut kommuninilu siunertanut atorneqassapput, kommunit pingaarnersiunermi peqataatillugit. Aningaasaateqarfiup aningaasaataasa atorneqarnerat Inatsisartunit akuersissutigineqartassaaq, aningaasallu missingersuutit naatsorsuutillu pillugit inatsisissatut siunnersuut naapertorlugu ilaatigut nunap sanarfineqarneranut aningaasaliinernut, immikkut ittumik nunagissaanernut, suliffeqarfinnik sanaartornernut il.il. atorneqarsinnaassapput.

Akitsuutitigut isertinneqartussat taaneqartut Namminersorlutik Oqartussat kommunillu akornanni nammaqatigiinnermut suliassanillu agguataarinermut nalinginnaasumut atorneqassanngillat, immikkulli ittuullutik. Aningaasat atorneqarnissaat inuiaqatigiinni aningaasarsiornikkut pingaarnersiunermut tamarmiusumut taamaallaat ilanngunneqarpat tamanna naleqqunnerpaassaaq.

Soraarnerussutisiaqarnissamut aaqqissuussinernit piffissaq suli nallinngitsoq atorunnaarsinneqartunit akitsuutitigut maanna isertinneqartartut 5 mio. kr.-it missaanniipput. Isertinneqartartut kommunit Namminersorlutillu Oqartussat ukiut tamaasa agguartarpaat. Aningaasat amerlassusii allaffissornikkullu isumagineqarnerat eqqarsaatigalugit akitsuutip landskarsimut pisassanngortinneqarnissaa, kommunillu isertitassamikku annaasassaasa kommuninut ataatsimut tapiissutit qaffanneqarnerisigut taarserneqarnissaat pisariinnerusaaq.

2. Siunnersuutip imarisai pingaarnerit

Aningaasarsianit akileraarutit pillugit Inatsisartut inatsisaanni § 46, soraarnerussutisiaqarnissamut aaqqissuussinernut piffissaq suli nallinngitsoq atorunnaarsinneqartunut tunngasoq naapertorlugu akitsuutit landskarsip pisassarissagai siunnersuutaavoq.

Inatsisissatut siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Inatsisissatut siunnersuut</i>
<p>§ 40. <i>Imm. 8.</i> Akileraarutit aningaasarsianit akileraarutit pillugit inatsimmi § 46 naapertorlugu akileneqartut landskarsip, kommunip akileraarfiup kommunillu pisassaraat, aningaasarsianit akileraarutit pillugit inatsimmi § 61 naapertorlugu ukiumi aningaasarsiorfiusumi akileraarusiissutigineqarsimasup, aningaasarsianit akileraarutit pillugit inatsimmi § 62 naapertorlugu ukiumi aningaasarsiorfiusumi 1. januarimi innuttaasut amerlassusiat malillugu akileraarusiissutigineqarsimasup, aammalu aningaasarsianit akileraarutit pillugit inatsimmi § 63 naapertorlugu ukiumi aningaasarsiorfiusumi akileraarusiissutigineqarsimasup assigiinngissutaat naapertorlugu.</p>	<p>1. § 40, <i>imm. 8,</i> ima oqaasertaqarpoq: ”Aningaasarsianit akileraarutit pillugit Inatsisartut inatsisaanni § 46 naapertorlugu akitsuut landskarsip pisassaraa.”</p>

3. Pisortanut aningaasatigut allaffissornikkullu sunniutissai

Soraarnerussutisiaqarnissamut inuunermullu sillimmasiisarfik maaniittoq Kalaallit Nunaanni ingerlataminik unitsitsinissamik aammalu sullitami ileqqaakkaminnik, inuunermut soraarnerussutisiaqarnissamullu sillimmasiisarfimmut Kalaallit Nunaanni angerlarsimaffeqanngitsumut nuussinissaannik neqerooruteqarnissamik maannakkorpiaq isumaliuteqarpoq. Taama isumaliuteqarnermut tunngavigineqarpoq so-

raarnerussutisiaqarnissamut ileqqaartut soraarnerussutisiaqarnissamut aaqqissuussinerisa isumaginerannut aningaasartuutininik ikilisitsinissamik kissaateqarneq.

Isumaliutigineqartut piviusunnungussappata tamanna aningaasarsianit akileraarutit pillugit inatsimmi § 46 naapertorlugu akitsuummik akiliinissamik kinguneqassaaq. Akitsuut tamarmiusoq 330 mio. kr.-it missaanniissangatinneqarpoq. Missingersuinermi ilimagineqarpoq maannakkut aaqqissuussinerusut 25 procentiisa missingisa soraarnerussutisiaqarnissamut aningaasaateqarfimmut Kalaallit Nunaanni angerlarsimaffeqartumut nuunneqarsinnaanissaat. Soraarnerussutisiaqarnissamut aningaasaateqarfimmut Kalaallit Nunaanni angerlarsimaffeqartumut nuussineq akitsuummik akiliisussangornermik kinguneqartussaangilaq, tak. aningaasarsianit akileraarutit pillugit inatsimmi § 45. Paasissutissaatigineqartut eqqornerusumik missingersuinissamut tunngavigineqarsinnaangillat.

Tamanna pisortat akileraarutitigut isertitassaannik siuartitsinerussaaq. Akitsuutitigut maanna isertinneqartut akileraarutitigut kingusinnerusukkut isertinneqartussaagaluanut ilaatigut taartaassapput.

Siunnersuutittaag kingunerissavaa soraarnerussutisiaqarnissamut aaqqissuussinerit piffissaq suli nallinngitsoq atorunnaarsinneqartut akitsuutaasa landskarsimit pisassarineqalernissaat. Tamanna aamma atuutissaaq isertitanut soraarnerussutisiaqarnissamut inuunermulluunniit sillimmasiinermik aaqqissuussinernik, soraarnerussutisiaqarnissamut aningaasaateqarfimmit imaluunniit inuunermut soraarnerussutisiaqarnissamulluunniit sillimmasiisarfirmmit Kalaallit Nunaanni angerlarsimaffeqartumit Danmarkimut, Savalimmiunut nunanulluunniit allanut nuussinermeersuunngitsunut. Kommunit isertitassamikku annaasassaat kommuninut ataatsimoortumik tapiissutit qaffanneqarnerisigut taarserneqassapput.

Siunnersuut pisortanut allaffissornikkut annertuumik sunniuteqarnaviangilaq. Isertinneqartartut kommunit Namminersorlutillu Oqartussat ukiut tamaasa agguartarpaat. Aningaasat amerlassusii allaffissornikkullu isumagineqarnerat eqqarsaatigalugit akitsuutip landskarsimut pisassanngortinneqarnissaa, kommunillu isertitassamikku annaasassaasa kommuninut ataatsimut tapiissutit qaffanneqarnerisigut taarserneqarnissaat pisariinnerussaaq.

4. Inuussutissarsiutinik ingerlataqartunut aningaasatigut allaffissornikkullu sunniutissai

Siunnersuut inuussutissarsiutinik ingerlataqartunut aningaasatigut allaffissornikkulluunniit sunniuteqassangatinneqanngilaq.

5. Avatangiisinut, pinngortitamut inuillu peqqissusiannut sunniutissai

Siunnersuut avatangiisinut, pinngortitamut inuillu peqqissusiannut sunniuteqassangatinneqanngilaq.

6. Innuttaasunut sunniutissai

Siunnersuut soraarnerussutisiaqarnissamut aqqissuussinerit piffissaq suli nallingitsiq atorunnaarsinneqartut akitsuutaasa kommuninit Namminersorlutillu Oqartussanit agguarneqartarnerannut tunngasuummat tamanna imminermi innuttaasunut sunniuteqartussaangilaq.

7. Sunniutissai pingaarutilit allat

Siunnersuut pingaarutilinnik allanik sunniuteqassangatinneqanngilaq.

8. Oqartussaasunik kattuffinnillu il.il. tusarniaaneq

Siunnersuut 2016-imi piffissami 11. januarimiit 27. januarimut ukununga tusarniaassutigineqarpoq:

Sulisitsisut (GE), NUSUKA, SIK, KANUKOKA, Kommuneqarfik Sermersooq aamma Inuussutissarsiornermut, Suliffeqarnermut Niuernermullu Naalakkersuisoqarfik.

Tusarniarneqartut oqaaseqaataasa pingaarnersaat ataani nalinginnaasumik allallugit issuarneqarput, Naalakkersuisut akissutaat *uingasumik* allanneqartut

KANUKOKA

KANUKOKA-p Qaasuitsup Kommuniata (QK) tusarniaanermut akissutani kattuffimmul ulloq 1. februar 2016 nassiussaa, kattuffiup taarsorsorlugu mailikkut ulloq 23. februar 2016 nalunaarutigivaa.

QK-ata inatsisissamut siunnersuutip kingunerisassaanut tunngatillugu oqaatigivaa, QK 2016-imi konto 80-imit isertitarani, tamanna missingersorlugu 1. mio. koruuninik naleqartoq, 2016-imilu QK –imut tapiissutit qaffaavigineqarnissaanik ilimasaarutiginnittoqartoq, taakkulu missingersorlugit 1. mio koruuniupput, QK-lu 2016-imi isertitanit immikkut ittunik agguagarsitaassanngitsoq, aamma QK siunissaq ungasinnerusoq isigalugu aningaasaliissutissanut aningaasaateqarfik soorlu sanaartuiffissanik naleqqussaanernut, suliffinnik aalajangersimasumik siunertalinnik sanaartornermut il.il aningaasaliissutinik siunissami pissarsisarnissaminik periarfissinneqarnissaa.

Inatsimmik allannguut 1. juli 2016 atuutilissasoq siunnersuutigineqarpoq. Akitsuutit 1. juli 2016 akiligassanngortut, maleruagassat atuuttut malillugit agguanneqassapput. Kommunit 2016-imi ukiup affaani kingullermi iluanaarutinit annaasaat 2017-imut tapiissutit isumaqatigiiniutiginissaat pillugit oqaloqatigiinnermut ilaatinneqassapput. Siunissaq ungasinnerusoq isigalugu aningaasaliissutissanut aningaasaateqarfiup aningaasaatai ingerlataqarfinnut pilersaarutit naapertorlugit Namminersorlutik Oqartussani siunertanut kommuninilu siunertanut atorneqassapput, kommunit pingaarnersiuiineri peqataatillugit. Aningaasaateqarfiup aningaasaataasa atorneqarnerat Inatsisartunit akuersissutigineqartassaaq, aningaasallu missingersuutit naatsorsuutillu pillugit inatsisissatut siunnersuut naapertorlugu ilaatigut nunap sanarfineqarneranut aningaasaliinernut, immikkut ittunik nunagissaanernut, suliffeqarfinnik sanaartornermut il.il. atorneqarsinnaassapput.

Akitsuutinit iluanaarutit soraarnerussutisiaqarnissamut aqqissuussinerit piffissaliussaq sioqqullugu atorunnaarsitaneersut, siunissami Namminersorlutik Oqartussanut tuniunneqartarnissaat QK.-ata akuerisinnaavaa, taamaaqataannik tapiissutit qaffanneqassappata. Tapiissutit 2016-imi ukiumut 3. mio koruuninik qaffanneqassapput.

Kommuunit iluanaarutinit annaasaat "nalinginnaasoq" 2017-imit siunissamilu tapiissutit oqaloqatigiissutigineqarnerinut ilaatinneqassapput. 2015-imi akitsuutinit iluanaarutit tunngavigalugit, 2016-imi ukiup affaani kingullermi kommunit iluanaarutinit annaasaat 2 mio. koruunit missaaniinnissaat naliliisoqarpoq. Inuunermut soraarnerussutisiaqarnissamullu sillimmasiisarfinnik ingerlatseqatigiiffik Kalaallit Nunaanni ingerlataminik 2016-imi atorunnaarsitsiniarluni aalajangissappat, iluanaarutinit annaasaat 2017-imi siunissamilu appassariassapput.

QK-ata immikkut ittumik isertitat 330 koruunit siunissaq ungasinnerusoq isigalugu aningaasaliissutissanut aningaasaateqarfimmut tutsinneqarnissaat akuerisinnaavaa, maleruagassat atuuttut naapertorlugit kommuunit aningaasaateqarfimmit agguagarsinneqassappata. Aningaasaliissutit Namminersorlutik Oqartussat kommunillu akornanni agguanneqarnerini kommuunit peqataatinneqarnissaat, QK-ata piumasaaqatigivaa.

Siunissaq ungasinnerusoq isigalugu aningaasaliissutissanut aningaasaateqarfik missingersuusiormi- naatsorsuusiornermilu teknikkikkut aningaasaateqarfiuvoq, kommunit Namminersorlutillu Oqartussat missinersuutaat naatsorsuutaallu pillugit Inatsisartut inatsisaatut siunnersuummi § 18, imm. 1 naapertorlugu Landskarsimiitinneqartoq. Inatsisartut aningaasaqarnermut inatsisikkut, aningaasaateqarfiup aningaasaataasa sumut atorneqarnissaannik aalajangiissapput. Taamaattumik, akitsuutinit iluanaarutitit ullumikkut kommuuninut agguanneqartarnerisut aningaasaateqarfiup aningaasaliissutaasa agguanneqartarnissaasa pisarnissaa tunngaviusumik qulakkeerneqarsinnaangilaq. Kommuunilli aningaasaateqarfiup aningaasaliissutaasa sumut atorneqarnissaannik tulleriissarnermut ilaatinneqartassapput. Tamannalu pisassalluni ingerlataqarfinnik pilersaarusiornermut il.il kommuunit peqataatinneqarnerisigut.

Kommuneqarfik Sermersooq (KS)

Kommunit akitsuutitigut isertitassanit pisassaasa ikilinissaat inatsisissatut siunnersuutip kingunerissavaa, landskarsi Siunissarluni ungasinnerusoq isigalugu aningaasaliissutissanut aningaasaateqarfissatut siunnersuutigineqartoq pissarsinerussasut. Namminersorlutik Oqartussat inatsisip allannguutissaannik kommunit akileraarutitigut akitsuutitigullu isertitassaannut toqqaannartumik sunniisussamik aammalu taamaattup, matumani ilanngullugit tamatumunnga taarsiiffigineqarsinnaanermut tunngasut illua´tungeriinnit oqaluuserineqarsimangitsulluunniit atuutilersitsisariaqanngitsut KS isumaqarpoq. Kommuninut ataasiakkaanut aningaasatigut sunniutissaasa Namminersorlutik Oqartussanit naatsorsuusiorneqarnissaat KS-ip qinnutigaa.

Soraarnerussutisiaqarnissamut aaqqissuussinernit piffissaq suli nallinngitsoq atorunnaarsinneqartunit akitsuutitigut maanna isertinneqartartut ukiumut 5 mio. kr.-it missaanniipput. Aningaasat 2015-imeersut kommuninut Namminersorlutillu Oqartussanut imatut agguarneqarput:

<i>Kujalleq</i>	<i>Sermersooq</i>	<i>Qeqqata</i>	<i>Qaasuitsup</i>	<i>Naam. Oqart.</i>
<i>510.779</i>	<i>1.635.449</i>	<i>688.636</i>	<i>1.258.115</i>	<i>1.245.416</i>

Soraarnerussutisiaqarnissamut inuunermullu sillimmasiisarfik maaniittoq Kalaallit Nunaanni ingerlataminik unitsitsinissamik aalajangiissappat aammalu sullitami ileqqaakkaminnik, inuunermut soraarnerussutisiaqarnissamullu sillimmasiisarfimmu Kalaallit Nunaanni angerlarsimaffeqanngitsumut nuussinissaannik neqerooruteqassappat tamanna immikkut ittumik isertitaqarujussuarnermik, maleruagassallu atuuttut malillugit kommuninut Namminersorlutillu Oqartussanut taamatulli agguarneqartussanik nassataqassaaq.

Oqaatigineqartutuut kommunit akitsuutinit pisassaasa peerneqarneri kommuninut ataatsimoortumik tapiissutit qaffanneqarnerisigut taarserneqarnissaat siunniussaavoq. Taamaassanngilarli soraarnerussutisiaqarnissamut inuunermullu sillimmasiisarfiup maaniittup Kalaallit Nunaanni ingerlatani unitsippagu, taassumalu kingunerisaanik aningaasarpassuit ataasiartumik akilerneqartussat immikkut ittumik isertinneqarpata. Qulaani oqaatigineqartutuut aningaasat Siunissaq ungasinnerusooq isigalugu aningaasaliissutissanut aningaasaateqarfimmu nuunneqartut ingerlataqarfinnut pilersaarutit naapertorlugit Namminersorlutik Oqartussani siunertanut kommuninilu siunertanut atorveqassapput. Kommunit pingaarnersiuinermi peqataatinneqartassapput, aningaasallu atorveqarneri Inatsisartunit akuerineqartassallutik.

Sulisitsit (GE)

Sulisitsisut inatsisissatut siunnersuutit siunertai isumaqatigaat. Isertinneqartartussat qanoq atorveqarnissaannut malittarisassanik aalajangersimalluinnartunik aalajangersaasoqarnissaa Sulisitsisut pingaarluinnartuutippaat. Sulisitsisut maluginiagaat tassaapput isertitassat Siunissaq ungasinnerusooq isigalugu aningaasaliissutissanut aningaasaateqarfimmu nuunneqartarnissaat inatsimmi allassimangitsoq, aningaasat landskarsimi amigartoorutissanik ingerlaavartumik matusissutissat atorveqannginnissaat siunertaralugu naammattumik isumannaarisoqanngitsoq, taamaaliortoqaratarsinnaanera, landskarsillu aningaasartuutaanik isertitaanillu ingerlaavartumik naleqqussaanissap tassuunakkut millisarnissaa ilimanartorujussuusut. Aningaasaateqarfiup aningaasaataanik atuinissamut malittarisassat erseqqissaqqissaarneqarnissaat inatsimilu ilaatinneqarnissaat Sulisitsisut inassutigaa.

Inatsisissatut siunnersuut una soraarnerussutisiaqarnissamut aaqqissuussinernit piffissaq suli nallinngitsoq atorunnaarsinneqarneranni akileraarutitigut akitsuutitigullu isertinneqartussat

kommuninit Namminersorlutillu Oqartussanit agguarneqarnissaannut taamaallaat tunngassuteqarpoq. Inatsisissatulli siunnersuut missingersuutit naatsorsuutillu pillugit inatsisissatut siunnersuummut matumunnga ilutigitillugu saqqummiunneqartumut attuumassuteqartinneqassaaq. Missingersuutit naatsorsuutillu pillugit inatsisissatut siunnersuummi § 18 Siunissaq ungasinnerusoq isigalugu aningaasaliissutissanut aningaasaateqarfimmik pilersitsinissaq aqutsinissarlu pillugit maleruagassanik arlaqartunik imaqarpoq. § 18-imi ilaatigut allassimavoq soraarnerussutisiaqarnissamut imaluunniit inuunermut sillimmasiineramik aaqjissuussinernik, soraarnerussutisiaqarnissamut aningaasaateqarfimmi imaluunniit inuunermut soraarnerussutisiaqarnissamulluunniit sillimmasiisarfimmi Kalaallit Nunaanni angerlarsimaffeqartumiittunik Danmarkimut, Savalimmiunut nunanulluunniit allanut nuussisoqarneratigut akileraarutitigut akitsuutitigullu isertinneqartussat aningaasaateqarfimmut nuunneqartassasut. Missingersuutit naatsorsuutillu pillugit inatsimmi § 18 aammattaaq tassaavoq aningaasat qanoq atorneqarnissaannik malittarisassanik aalajangersaaffiusoq.

Soraarnerussutisiaqarnissamut aningaasaateqarfimmut/sillimmasiisarfimmut Kalaallit Nunaata avataaniittumut aningaasanik nuussinerup soraarnerussutisiaqarnissamut aaqjissuussinermik maanaannakkut atorunnaarsitsinertut isigineqarsinnaanera Sulisitsisut isumaqatiginngilaat. Aatsaat taamaattoqassaaq soraarnerussutisiaqartussat ataasiakkaat soraarnerussutisiaqarnissamut ileqqaakkamik ingerlaannarnissaat kissaatiginngippassuk.

Soraarnerussutisiaqarnissaq pillugu isumaqatigiissutit soraarnerussutisiaqarnissamut aningaasaateqarfiit akornanni nuunneqarnerisa akileraarutitigut qanoq pineqarnissaannik apeqqut akileraartarnermut inatsimmi § 45, imm. 1-imi aalajangersarneqarpoq. Tassani allassimavoq soraarnerussutisiaqarnissaq pillugu isumaqatigiissutit soraarnerussutisiaqarnissamut aningaasaateqarfimmit Kalaallit Nunaanni angerlarsimaffeqartumit soraarnerussutisiaqarnissamut aningaasaateqarfimmut Kalaallit Nunaanni angerlarsimaffeqanngitsumut nuunneqarneranni akileraarusiisoqassasoq.

SIK

Piffissamut ungasinnermut aningaasanik ileqqaarnissaq SIK-p tunngaviatigut isumaqatiginnaavaa. Taamaakkaluartoq SIK nalornisorujussuavoq. Kommunerusuut qiviarutsigik ilaatigut nalunngisarput tassaavoq aningaasaqarniarnerat pitsaanerpaajungitsoq. Taamaammatt aningaasat KANUKOKA suleqatigalugu agguataarneqarnissaat SIK-p pingaartippaa, tassa aningaasat immikkoortinneqarnissaat, tassuunakkullu aamma nunap siunissami naligiinnerusumik ineriartornissaa qulakkeerumallugit. KANUKOKA sutigut tamatigut akuutinneqartassappat akileraaruserinermik ingerlatsineq pillugu inatsimmik allannguinnissaq una SIK-p peqataaffigisinnaavaa.

Missingersuutit naatsorsuutillu pillugit inatsisissamut nutaamut siunnersuummut oqaaseqaatini nalinginnaasuni oqaatigineqarpoq aningaasat Siunissaq ungasinnerusoq isigalugu aningaasaliissutissanut aningaasaateqarfimmut nuunneqartut ingerlataqarfinnut pilersaarutit naapertorlugit Namminersorlutik Oqartussani siunertanut kommuninilu

siunertanut atorreqassasut. Kommunit pingaarnersiuinermi peqataatinnegartassapput, aningaasallu atorreqarneri Inatsisartunit akuerineqartassallutik.

Inuussutissarsiornermut, Suliffeqarnermut Niuernermullu Naalackersuisoqarfik

Siunnersuutip teknikkikkut imarisai Naalackersuisoqarfiup pingaartillugit maluginiarsimavai takkunungalugu oqaaseqaatissaqarani.

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Aningaasarsianit akileraarutit pillugit Inatsisartut inatsisaanni § 46, soraarnerussutisiaqarnissamut aaqqissuussinernut piffissaq suli nallinngitsoq atorunnaarsinneqartunut tunngasoq naapertorlugu akitsuut landskarsip pisassarissagaa siunnersuutaavoq.